


T1786.2/66186(8)

聖門志

五



古學志卷之六



聖門志卷之六



海鹽呂元善纂輯

姚士麟

參考

許中麟



呂元美

編次

侄呂濬

男呂兆祥

訂閱

孫呂逢時

二氏世系

叙曰崇儒重道優寵聖裔莫如我

明孔氏則一聖公二博士三學錄外又有族長舉事而一切散宗俱飾衿佩以禮於有司顏曾孟三氏各一博士其恩可爲至渥矣迺若元聖周公是

先師當年所夢想先賢子路爲及門之高弟今考其廟祠止立一衣巾奉祀反不得比從祀之先儒而僅等於近代之鄉賢非所以光俎豆而隆盛典也查得景泰六年以周濂溪嫡長子孫周冕程伊川十七世孫程克仁朱文公建安縣九世孫朱挺俱奉

聖旨除授翰林院世襲五經博士主奉祀事嘉靖元年詔以朱熹守婺源縣祠十一世孫朱壘蔭錄翰林院五經博士時守臣張芹等援孔氏曲阜衢州兩博士之例以請故也萬曆四十五年河南巡按張至發奏稱先儒邵康節之學契真脉於聖人表正宗於群儒卽在當時爲二程所嚴事明道推尊至比之顏氏子輿而其終考之安樂窩獨完好無恙於天津之南畔見有二十六世孫邵南世系章章可考宜視程氏例世襲博士使伊洛之上兩氏世通家而並崇之以於

聖門志 卷之六
式士類其父邵古宜如程珦配食啓聖今曲阜
縣周公七十三世孫東野武泗水縣子路六十
一世孫仲則顯當事者亦宜奏請如程朱之例
同邵南一體授世襲博士以奉祀事庶誦法聖
賢者大有以慰其褒德崇功之心我
朝崇儒重道之典庶爲完善矣其二氏世系附之
未簡以便秉禮者得援例以請云

元聖周公

周公名旦武王弟封於魯不就封留佐武王世子
元子伯禽成王元年之國次子留相王室其餘
食小國者六人樊蔣邢茅服祭也

魯國

始魯公伯禽終頃公讐共三十三君
凡八百七十三年楚考烈王滅之

祀典

唐高祖武德二年詔國子學立周公孔子廟各一
所

唐高祖武德七年帝詣國子學釋奠于先聖先師
以周公爲先聖孔子爲先師配享

敖真懿公戲武孝公稱懿惠公名不涅隱公息姑
庶桓公允惠莊公同桓閔公開莊僖公申莊文公
與僖倭文宣公倭文成公名黑肱襄公午成昭公裊襄
定公宋昭哀公蔣定悼公寧哀元公嘉悼穆公衍
公奮穆康公毛共景公偃康平公旅景緡公
賈平公頃公讐緡三十二公從祀齋房牲所列於兩
廡之後其前爲門二重門外石坊二座左榜曰經
天緯地右榜曰制禮作樂萬曆二十二年巡撫鄭
汝璧巡按連標大加修飾仍於櫺星門外荆石坊
一座榜曰元聖

東野氏姓譜

先儒東野魚后稷之後周公之孫也后稷姬姓諱
棄始封於郃生子不窟失其官守竄於戎狄不窟
生鞠陶鞠陶生公劉克修先業往遷於豳公劉生
慶節慶節生皇僕皇僕生差弗差弗生毀隄毀隄
生公非公非生高圍高圍生亞圍亞圍生公叔祖
類公叔祖類生太王徙都於岐太王生王季王季
生文王作邑於豐文王生周公傳允武王克商授
封於魯生子伯禽襲封之國都於曲阜伯禽生第
三子諱魚賜東野田一成以自養因以田爲氏魚

遂為東野氏之始祖

宗子世紀

二代東野宗度東野田中勝處建祠以妥先靈歲
供時祀生子雷

三代東野雷生子二長暉次晞

四代東野暉生子二長璠次振

五代東野璠生子惠

六代東野惠生子二長灝次淳

七代東野灝嗣絕弟淳生子二長縉次紳

八代東野縉有孝行不挾貴以驕人生子僖

九代東野僖適晉為大夫生子摠

十代東野摠生子二長繪次純

十一代東野繪為晉卿生子圍

十二代東野圍生子煙

十三代東野煙生子畢

十四代東野畢自晉還魯嘗師於閔子又事定公

以善御見稱於顏子生子三璋琪璜

十五代東野璋生子二長獲次汴

十六代東野獲字獲德號白雲隱居不仕師鬼谷

子受衛生之術生子四輔輸軌轅

十七代東野輔生子四和閏愛敬

十八代東野和與弟閏俱無嗣季弟愛生子勤

十九代東野勤生子二長葵次宣

二十代東野葵性敏好學爲魯大夫生子質

二十一代東野質字中美遭楚考王滅魯其公族

計五百餘門悉被屠戮殘傷離散惟質負子攜

譜竄於東吳至始皇三十七年乃還魯生子環

二十二代東野環字廷器有文武材自吳過沛還

魯從漢高帝起兵伐秦及入關數以計獻帝不

從托疾而還帝以金帛致書累召伐楚稱疾不

就後帝過魯親幸其宅謁周公廟及卽帝位贈

環以都尉生子二長備次億

二十三代東野備字元德漢文帝二年癸亥徵爲

博士生子三詠諲諱

二十四代東野詠字誦之景帝六年丁酉授穀城

令生子福

二十五代東野福字與謙生子琳

二十六代東野琳生子萬年

二十七代東野萬年生子三昭敏聰

二十八代東野昭字克昭嗣絕弟敏字克敏東漢

光武建武元年授湖陽主簿生子三敬誠志

二十九代東野敬嗣絕弟誠生子珣

三十代東野珣生子二長熙次壘

三十一代東野熙字文明漢末黃巾倡亂自三國
及晉兵戈不息舉族流東海寄居五世生子秀

三十二代東野秀字汝實居東海生子二雄英

三十三代東野雄嗣絕弟英生子五莊定靜安得

三十四代東野莊居東海生子芳

三十五代東野芳字德馨宋武帝永初二年自東
海抱姓譜及親族計五十七人還魯有荊州刺

史謝公晦譜序生子二長達次達

三十六代東野達字長仁有德行文學宋元帝元
嘉四年授御史中丞生子二長盈次增

三十七代東野盈字若虛生子二長彥次傑

三十八代東野彥字邦美生子恭

三十九代東野恭生子三珽玉璟

四十代東野珽嗣絕弟玉生子二長旺次興

四十一代東野旺有學有守生子二長俊次儻

四十二代東野俊生子末

四十三代東野永生子二長宿次寬

四十四代東野宿嗣絕弟寬生子三順須顧

四十五代東野順生子三昂杲昱

四十六代東野昂生子三嵩山嶽

四十七代東野嵩嗣絕弟山生子廣

四十八代東野廣字士弘舉明經生子三幄悅幅

四十九代東野幄生子二長淄次輜

五十代東野淄生子二長驄次騎

五十一代東野驄嗣絕弟騎生子紆

五十二代東野紆克紹先業世居於魯大中祥符

元年十有一月宋真宗如曲阜幸周公廟祀以

太牢追謚文憲王命官新廟於舊基之上豎碑

刻文以崇制禮作樂之功又聞東野數世同居

孝義明著詔旌其門生子二長真次元

五十三代東野真生子管

五十四代東野管生子觀

五十五代東野觀字光國徽宗崇寧二年授海州

刺史生子二長早次道

五十六代東野早生子木

五十七代東野木字仁甫生子彥通

五十八代東野彥通金世宗大定五年授城武縣

令生子二長安上次作善

五十九代東野安上生子勅

六十代東野勅嗣絕堂弟瑀字文珮作善子天性
仁厚金大定二十三年縣主命督理築城得骸
骨甚多營地悉葬之仍致祭以安厥魂金哀宗
開興元年太宗兵圍金汴城遠近震恐舉族逃
避及兵少息惟瑀與勅還魯至元三年順帝贈
亞中大夫濟寧路總管輕車都尉追封平原郡
侯生子榮

六十一代東野榮字茂之泰定元年泰定帝贈承

直郎濟寧路判官四年復贈奉議大夫萊州知
州又封曲阜縣子元統元年順帝又贈中順大
夫中山府知府追封平原郡伯至元三年又贈
嘉議大夫真定路總管上輕車都尉追封平原
郡侯生子二長潛次明

六十二代東野潛字剛克以德行問學爲鄉里敬
服因薦授濟南校官繼選從仕翰林尋陞玉堂
椽大德六年受承事郎同知亳州事以父疾棄
官歸養父卒服闋憲臺以潛廉正擢承務郎江
南諸道行御史臺照磨兼嶽承改承直郎江陵

推官趙泰定四年奉定帝改授奉議大夫沂州知州元統二年進陞中順大夫廣西兩江道宣尉副使僉都元帥府事至元三年上疏乞致仕順帝優加嘉議大夫益都路總管生子賁

六十三代東野賁字以光生子七德中德和德欽德臣德讓德賢德元

六十四代東野德中字惟執以祖蔭補從仕郎洪

澤屯令生子二長子禮次子寅

六十五代東野子禮字仲節嗣絕堂弟子儀字仲立號達泉德欽子生元至正二年正月二十一

日年二十有六當天下午兵作合族西遁至東昌遇寇相失自竄彰德

國朝洪武初有司以雄才特薦不欲仕避隱北直大名府開州以明經教訓生徒洪武五年還曲阜祭掃觀周公廟東野祖祠墓時皆傾圮及故宅恒產盡爲他姓所據遂號泣而還開州因備修譜謀圖繪祖像以傳於來世永樂十四年二月二十七日卒年七十有五遺孤圮甫七歲門人王政紀振皆戊戌進士率同門數十人爲治其喪葬於戚城題其墓曰東野達泉先生墓

六十六代東野玘字延玉號澶淵生于永樂八年
十月十八日~~洞~~失怙恃托居於母妹之夫家後
從事於憲臺有廉吏之稱及聞母妹訃奏請守
制以報其德獲 上允當道~~司~~史鈞州馬文升
知爲周公之後且嘉其義爲~~其~~其譜後仕廣資
宰休致還宗弘治四年十月十九日卒享年八
十有三生子世祿女一適襲封衍聖公孔弘緒
六十七代東野禮弘治二年山東撫按訪求周公
之後給其衣巾主奉祀事生子興

六十八代東野興生子韶

六十九代東野韶生子義

七十代東野義生子武

七十一代東野武號雙泉生子奮鵬

七十二代東野奮鵬

仲先賢仲子

仲由字子路詳具列傳不重書

時稱祠廟

仲子廟在兗州府泗水縣東廓

國朝萬曆十九年三月知縣譚好善荆建立六十
代宗子仲銓世衍奉祀給祭田四十五畝除免徵
糧與銓收租爲春秋丁祭之費二十一年山東提
學僉事周應治給銓子仲則顯衣巾承祀知縣尤
應魯增置祭田加修廟宇廟左建坊榜曰先賢仲
子故里廟右爲宗子宅嗚呼仲氏遺蹟方自此始

子姑里廟亦為宗子字訓和仲且其真文自此故
熟魯置祭田吐魯廟宇廟主其世親曰式賀仲
學僉事周熟成餘金子仲以熟承中承脈映線式
獸與金郊野為春煉丁祭之費二十一平山東豨
升宗子仲金世皆奉脈餘祭田四十正廟斜象類
國時萬曆十六年三月映線鞞我善隣豨立六十
仲子胤五矣仲子仲水線東瀛

師廟

仲由字子榘籍其脈斷不重書

式賀仲子

仲氏姓譜

先賢仲子由高辛氏之後也高辛氏有才子八人
時稱八元有仲曰堪其子因以王父字為氏厥後
子姓遂以仲姓傳焉傳至夏商有奚仲居薛為車
服正奚仲之子仲虺為湯左相作商誥迨中葉有
子路七世祖仲容為魯卞邑大夫遂棲居魯卞城
鄉容生奐奐生式式生度度生肇肇生拱北拱北
生鳧娶宋氏三十無子嘗禱于神母夜夢異物入
懷非兕非虎黃質黑文寤以告鳧鳧曰汝產是子
長必成人越三日雲霧大作繞庭空中祥光若電

聖門志 卷之六
母怪而驚是夕遂生命名曰由時周景王三年己未九月初七日卽魯襄公三十一年也享年六十有三卒於周敬王四十年辛酉三月初三日卽魯哀公十五年葬於澶淵卽今之開州有墓在焉生子二長子崔次子啟

宗子世紀

二代仲子崔因父遇衛難欲報讐告於孔子曰行矣遂決戰於城西時狐厲持戟與子崔戰而死弟子啟甫十三歲奉母奔喪號泣如成人禮後八年母顏氏卒開壠合葬于澶淵始還卞

三代仲序

四代仲稱乾

五代仲發志

六代仲承祖

七代仲繼立

八代仲羨墻

九代仲隆習儒業時秦并天下徙豪傑禁偶語制作紛紛隆懼將罹坑焚遂隱鳧嶧下

十代仲續

十一代仲光仕漢爲右扶風西羌入寇遣光擊之

十二代仲洪禮

十三代仲經

十四代仲醴

十五代仲玄

十六代仲謀

十七代仲世德漢赤眉瑯琊樊崇等亂山東劫良

民以從世德挈室家流於延就亭南四十里橫

坊村

十八代仲馳

十九代仲須

二十代仲靈臺

二十一代仲時鳴隱居魯城漢舉孝廉稱疾不仕

二十二代仲強

二十三代仲杲仕東晉爲尚書

二十四代仲慨

二十五代仲慶

二十六代仲愷

二十七代仲濬在嶧山石鼓洞隱居終其身

二十八代仲晉昭

二十九代仲浩

三十代仲誨

三十一代仲遠性剛直方正敢言時人謂之小子路

三十二代仲恩

三十三代仲孝俊隋大業間汝南郡主簿博物洽聞才敏如風生下筆千萬言立就時有撰述人多慕之

三十四代仲在

三十五代仲子陵習禮自名其家唐舉賢良擢為常侍

三十六代仲文

三十七代仲關

三十八代仲駕

三十九代仲侯弟保為進義校尉

四十代仲贖

四十一代仲晃父

四十二代仲運

四十三代仲國聘

四十四代仲永宗

四十五代仲簡宋真宗時舉進士累官刑部郎

四十六代仲勵

四十七代仲憑

四十八代仲潔

四十九代仲虔

五十代仲銜

五十一代仲惕

五十二代仲集

五十三代仲策元順宗時為南京評事

五十四代仲旺

五十五代仲伯安

五十六代仲春

五十七代仲臣

五十八代仲瑤原寄籍濟寧南十四圖嘉靖間過

籍南十二圖

五十九代仲呂萬曆十九年復泗水縣籍奉祀子

路祠生子二長銓次鐸

六十代仲銓萬曆二十年泗水縣知縣譚好甚止

為宗子給祭田百畝永主祀事生子則顯

六十一代仲則顯萬曆二十一年八月山東提學

僉事周應治給其衣巾主奉祀事

聖門志 卷之六
六十二代仲寅亮天啓六年十二月山東提學叅
議項原給其衣巾相衍世應永主祀事

重修山東通志叙

萬曆丙辰

歸安錢士完撰

山東巡撫

山東故有通志成于嘉靖癸巳學憲吾浙陸公舉
之其採摭淵博條目簡盡卷僅四十而包括唐虞
九州之二郛域春秋齊魯大小附庸三十餘國函
載左國史漢歷朝之聖哲賢豪循卓奮衛至不可
更僕數業旣垂今且八十餘載猶使展卷一室不
翅舉泰山一磊砢東海一杯酌洙泗沆沔沂濟一
衣帶于几席間也一日千里作者匪易不可不念
良工苦心惟是在官著作未免掣于簿書期會事

屬創始益難驟以搜緝爲工且謂題名有碑闕陋
有志鄉舉有錄似可緩置不知名有逸于題碑若
撫按之有劉煥龍韜藩臬之有安然張海等在也
至于四氏各有源脉錄第何得置科豈陸公懸此
冀以待之後人而不謂竟有後人爲浙鹽藩都呂
君元善也呂君澄靜讀書能以暇豫應接公家間
卽捉卷力以續志爲心曾不謂身處屈下捨放擔
當也是以每從公衙旅見察其形貌雖恭而沉默
低迴若有所思也者歲當丙辰俄以就草拜手上
余曰下吏罔知識敢竭閭短爲山以東宣力諸公

聖賢一脉翔翥九蒼者光昭千禩計漫操禿帚脫
不于志有垂願以簡端上乞華袞余爲拓卷詳覽
而于舊目有加則有宜聖年表諸賢系緒崇道恩
襲歷闡鄉雋莫不犁然灼燿篇冊若夫登績輸勤
內臺外署後先至益千七百四十有奇而余緬然
得與其列不覺對姓名而凜懷負乘也使見前在
事有覩名不轉一念必其人非吾氣類愧茲懿德
者矣閱卷得益其謂是乎志成而君復鉸用已俸
尤不可于今日下察更望有如君者余惟司馬子
長史記猶有未竟之文而博士褚大爲補丞相龜

聖門志 序
策諸傳范蔚宗漢書尙留未了之局而郊令劉昭
爲續天文輿地諸志使後人繙誦宛若完書今陸
公舉之通志山東亦有剩撰而呂君爲足職官聖
賢科目薦舉圖譜諸篇而志更煥然是陸公固不
遜乎子長蔚宗而呂君亦無愧乎褚劉之鼎足之
也

重修山東通志後叙

萬曆丙辰

新城耿庭栢撰

太常少卿

國家之治所以甲千古而高百王者凡以

聖君賢佐得聖學者純設科取士尙經術者專也
然學術承傳本之刪述而刪述之聖生自山東山
東固聖學聖經之淵極九流萬派之根宗匪第曰
泰岱不必與嵩華爭而倍覺巍峻沂泗不必與江
淮競而愈自渟泓有以爲山東重已也所貴當世
得之純尙之專而

經筵納牖實有以沃

聖門志
主心爲出治之大原設科明經尤藉以正臣術爲
襄理之至準

列聖群工神染脉授垂之爲二百四十餘年久安
長治回視往代不有以屈漢之資吏爲治晉之門
第取人唐宋之急功利重詩賦也乎是

昭代取精于山東也大山東之翼佐今天下也厚
矣顧在昔學憲陸公通志謙讓不遑何必山東遠
處厚大尚于聖門傳統經術羅賢志前未脩志後
無窮一切舉而付諸後之賢者此固有識默冀有
人爲之纂續使天下更爲山東具隻眼也乃復有

浙西鹽官呂公冠洋爲吾鄉乙酉孝廉許公明吾
婿也于歲壬子來叅薇省都幕佐公多暇覽此惜
焉以謂先志成于嘉靖癸巳而陸公前賢創始昭
垂卓有大體颯颯乎大國風也善則不賢敢志其
小乃褒羅志乘肆探碑譜手自採擷岢岢編摩惟
于舊目三十六則之間謂職官敷澤乎山東者也
然癸巳已前人多失載增至百二十二人如鐵尚
書胡侍郎咸稱遜國之忠後此則撫按諸臺藩臬
寮貳績有千五百二十五人之多要皆基績東省
功滿四海聲耀千秋人也嗣是而謂聖賢生山東

垂教古今者也是以先師有年表四氏有封典家
門有譜系弟子有名次莫不自流承源登枝念本
道益炯乎日星慶逾浹乎雨露矣去此而科目見
山東尚經術者專也無論國初薦舉增至千人前
志鄉舉不載今採自隆慶丁卯及萬曆乙卯名牒
全收而典試諸公亦借名閱焉又謂圖者見山東
山川人物禮樂于天下者也舊圖僅十有九今益
圖百二十有五其于左圖之義亦有合焉大較增
續考訂歷歲者三而後克就且復捐俸勒梓不煩
公帑竟有以補裨四明陸公未了之案公可謂知
聖學之有宗重經術之有用而于山以東之大且
厚者實賴公手更拭天下之目公豈特以著撰見
功已哉

誠樂事與撰遇如兩非不同時勝合不同歸史
後先合為一傳稱大家奇撰乃後世有同氣與
若機雲試輟率不免人自為篇豈事不遇乎耶
有死乎生太死于死象偕生偕死之且兩公而
無樂撰殊為藝場雅氣是則強學伎藝作且兩
傳古而合為一傳稱大家奇撰乃後世有同氣與
可父為昭真將知聖學公相周胡表發鎮浙

聖學之有宗重繇而之有思而于山以東之六且
耳皆實陳公手更姓天下之目以公豈許以審跡良
收而典試諸公亦借名聞焉又謂獨者見山東
志鄉舉不載今採自隆慶丁卯及萬曆乙卯各勝
山東尚經術者專也無論國初薦舉增至千人前
益爛乎日星慶逾淡乎雨露矣去此而科日見
有譜系弟子有名次莫不自流承源登枝念本
平致古今者也是以先師有年表四氏有封典家
內日浩

呂兩公傳

樵李岳元聲撰 兵部侍郎

千古著記情想莫不懸埃鬼異快發光熾垂耀來
目誠樂事與撰遇如瞬非不同時勝舍不同歸史
漢後先合為一傳稱大家奇撰乃後世有同氣與
聲若機雲軾轍卒不免人自為篇豈事不遇手耶
今有死于生人死于死弟偕生偕死之呂兩公而
手無樂撰殊為藝場短氣是用強學伎癢作呂兩
公傳呂兩公為鹽官兩藩幕元美字仲冲元善字
季可父為昭勇將軍望洋公相周胡襄繆鎮浙時

嘗以偏師授之有平閩寇功晚繼于胡而孿生兩公又暮年子珍愛若掌中兩夜光也生而歲月日同娟秀啼笑同牽衣繞膝拜起同愛弄絃筆咿唔章句同昭勇公曰前婦一兒以克家慰我六十前後婦兩嬰以跳地娛我六十後亦衰晚血脉一快也僅七齡而昭勇公棄所慰快去便以兩孩提隨其兄太學公元聲字伯宣稱泣血孤十一游南雍旦日趨班行卽大司成不無哀憐少子乎第心念其雙雙來兩卅角生而已弱冠協和初賦兄儷王弟耦倪卽孀慈陰幸其競爽亦第見其爲兩佳兒佳婦而已自茲母喪未幾而猶子暴亡兄嫂併命兩公惟知骨肉奇痛息息以大宗之斷絕爲悲卽肺腑心知執途之人耳相贊道亦無過曰不見有兄之家之兩賢而已比當兄弟受官兄處而不卽爲藩佐弟出而爲山東都事又若同而不必同者故人見爲都事之再辭州縣攝以著廉四叅文武闡試以見賢獨志聖門以隆聖學更修通志以表聖鄉六拜表

闕廷以承光寵五輪部寺山海衣餉以展勞勩八年之間一當中丞臺三荷直指使薦剡以彰灼其

名稱亦第曰才能參幕不負受任而已又見不爲
參佐而巷其處竭蹶支門屏拮据辨租賦內郵佐
寡下訓阿咸睦族姓而締交親樹籬壁而禦非侮
亦第曰家能任長是亦爲政而已殊不知不當于
兩公生用知呂兩公當觀兩公死而後知呂兩公
之大也當季可參幕山以東地焚如無青草所在
人相食州縣不能使天雨粟果六郡枵則惟都事
能副署藩劉參知飛糴捷賑法焦心剔臆無畧漏
閒青齊人數十百萬則生而都事一拜理問精竭
死矣凶問突自數千里外來仲冲迎聲破心一慟

而絕已復甦曰吾與弟偕來今成獨往耶聯株牛
死我能半生耶弟謂民同胞而死我不能死同胞
弟耶弟能竭身官下我則孤立原上耶弟不死于
婦人之手我猶係戀妻孥耶遂冥默不語悵恍若
失去季可死官僅四閱月而一夕逝也夫死官時
有也不忍其民之死而死之爲難能也兄弟同歲
死亦時有也不忍其弟之死而死殉之爲尤難也
推兩公之死而以弟之死生天下饑困以兄之死
愛天下骨肉則是舉生與愛之兩語合天下樞紐
于兩公之一死也詎得謂一父母一家庭一成均

一省會之兩佳兒兩壯角生不有兄家之兩賢與
夫才參幕能任長而已哉余故曰當觀兩公死而
後知呂兩公之大也兩公生隆慶己巳之嘉平七
日兄僅先于弟亥時之戌卒于萬曆己未之寅午
兩月兄則後弟二十四日之二十六日也兄擅一
時爲長弟遜四月爲短兄猶恨恨後此四月死爲
偕生而不偕死也春秋同五十有一仲冲一女季
可有才子子兆祥字聖符稱東南名下云野史氏
曰异哉呂兩公之以一乳並賢與夜夏差肩爭古
今也力賑摧神讓德不任死職胡辛過于任而成
其爲臣兩身合併隻死安行番愧其生過于友而
成其爲兄衛有兄弟死亦足豪伋銜使而勇赴壽
先兄而奪旄不兩公子之過死宜呂兩公之名高
物亦有之一桴二米且爲天下輕重多少長短况
于人而不足爲天下兄弟生與愛之衡乎

明故著書先儒今祀闕里儒林郎山東布政使司
理問冠洋呂公墓誌銘

闕里孔胤植撰

衍聖公

丙寅之冬海上呂太學聖符攜其尊人藩理冠洋
公所著聖門志鐫訂既成躬致闕里凡我四氏纓
紳啓函歎頌曰公殫精竭貲拓我

聖祖大公之門前受百世後受來今公真聖門之
功臣而聖符力成先業則又公之孝子也于是四
氏合詞請祀公闕里學憲慨允俾世世血食奉主
之日簪帶襟紳皆聖賢脉胤而望塵羅拜填擁干

百得未曾有祀事已畢太學樞衣乞誌公墓余雖不文勉用爲誌曰山以東自萬曆壬子已未間藩司嘖嘖有名叅幕呂公云夫藩古方岳

國初稱行中書省地分嚴重故設叅幕贊佐其政而叅幕之典出納治刑名也爲藩大寮腹心用是一切郡守倅州縣長莫不欽欽人有腴禮然人之處腴必不知其受瘠往往不能以滿秩去惟公之佐東省也能力退欽用將其腴凡中丞侍御臺之薦剡名必有公文武賢書之登錄事必有公長至千秋之拜表膺宴榮必有公先後敷歷膺荷聲稱

始自都幕也當時有識方且以遠到望之胡造物無厚而遽奪公乎公諱元善字季可別號冠洋與其兄元美懷洋學生公特所云已生爲第耳而與前母兄元聲念洋太學歡荆蔭映有珠樹之譽焉幼有至性七歲喪父哀涕之容酸感行路卅歲通尚書游南雍齋舍儒彥目公昆季爲兩壁人而眉面莫辨誰弟誰兄昔人曾謂惟母知之也且筆花言藻衆所推遜以慈幃遠念趨歸婚娶未幾而胡太夫人以血去棄公兄弟養猶恨喪父時不解竭成人禮而喪葬悲毀有加于時念洋子兆禧英少

有異才方與相切劘忽焉夭折公已不任感重蘭
摧而念洋夫婦繼復踵歿兆禧之遺腹更殤方大
宗之斷絕是悲而公配倪孺人又遽分鵜鷄矣蓋
七年之間所稱斬焉衰絰至于期功未嘗間遠雖
佳月芳風在前別自以眼淚洗面公家昆季能不
神傷遂不復留念制舉以謂文園令而必起家科
目哉因各乘例得郎公注行省會當選除相期竝
出懷洋謂公曰第有子宜及時宜展我須家食一
圖身後第倘休澣我出未晚公遂以辛亥選人得
山東布政司都事顧東省一時建牙開府有名中
丞按鹽屯馬多名侍御政刑戎儲皆名監司上下
勤勵施教承令使當諸名公下而公惟事每近名
以當其心必不然矣公基之以誠而澹出之慎敏
明潔特爲始終雖三齋餉馬漕折身承不翅若浼
所至有飲冰砥操之稱屢屈署縣率皆嚴謝益爲
當事所重至子卯秋試兩佐棘闈而食萃甫闕再
與鷹揚有如兩臺拜表

闕下妙簡精良公凡後先六膺使命每當文翰之
舉如再董曆日及試錄通志亦必屬公若通志聖
門兩書不獨捐貲隻手纂撰而學脉道原公自嘿

黑肩任矣歲卯及辰山東饑道殣相望也望能向
野無青草活白骨而肉惟署司治儲劉公深與公
契受公言至爲蚤夜策畫所稱勸賑赴糴使劉公
得以一念生換六郡死莫非公畢竭心精之所至
也用是以名荷中丞錢公薦一部使者馮公馬公
畢公薦三其他罔卿柱下戶兵工曹之獎借又不
能更僕數也戊午冬晉移本藩司理然竭蹶奔走
我獨賢勞病脾衰瘁以己未三正奄化于官年纔
五十有一耳公敦培源本孝于事母嚴事伯兄念
洋若師式焉泊乎侄嗣不胤少寡形影惟公昆季

相依霜操益凜究之令子聖符有子使大宗有寄
天道若示荅于公一人也者若懷洋得公之計若
然倒于地曰生與俱來死寧獨往邪不令下泉惟
有吾弟遂用不起孔懷之誼振古所無也公上世
爲河南之安陽人有汚簿聞道永樂初以與遜國
忠臣河南衛指揮謝貴有交戍籍鹽遂爲鹽之著
閱其子謹之婦爲永樂乙未進士安陽侯軌之姑
宣德四年軌僉憲于浙來謁姑已卒爲築墳城西
以識悲感有記墓碑公爲杭州右衛指揮僉事望
洋公子孝秀蓮洲公孫散官朴菴公會孫公元配

倪孺人爲山西靈石縣少尹倪元夫女繼配許孺人爲乙酉舉人許成名女子一人兆祥太學生倪出娶胡氏卽胡太夫人姪日新女孫三人弘基逢時逢聖逢時聘吳侍御海州公弘濟孫女公生隆慶己巳十二月初七日亥時卒于萬曆己未正月二十四日申時以天啓六年十二月二十九日寅時葬于涇塘橋身字圩銘曰
處隨之駟士愜周有惟孝友于璧合如宙起齒萬于席前肯語三而掾後始封于齊而官于齊歿于齊子將天飛霸雄藝乎漸江之西

著書先儒今祀闕里呂季可先生墓表

闕里孔貞叢撰

運使

著書者著何書也曰先生所著合

聖祖配哲祀擬二千餘年之前賢後儒爲一門而俾方來千百世出入此門也先儒者何曰荀况以性惡累筆見斥于儒劉因則未嘗著書而亦稱儒今開聖門受當世儒稱儒允宜祀闕里者何曰辯別大宗斥去異論源本條流多所證定功在闕里祀闕里尤宜祀禮旣畢其嗣公聖符歸葬先生請表其墓輒爲染毫先生姓呂氏諱元善字季可與

其兄元美叅藩一乳並生霍子孟所謂後生爲弟也英壯有才屈叅東省其佐藩之政莫尚于助劉叅知賑活萬命兩拒署攝特見操槩拜表轉餉我獨賢勞雖荷中丞直指累借薦剡咸無當于先生知己以不知先生著有各書也故余謂先生一生無過于著書爲大何者纓帶之倫誰不著撰而造語之際恒加溢美有如治一書曰漢聖諛藻什曰文聖能書爲草聖頌酒則請比聖先生懼辱此聖字特爲溯聖源而合聖支流也他若談術有竒門從釋有禪門慕道者有玄門自是者我自有門先

生慮累此門字獨爲手擴孔門閉天下之私門也又若樂居積者志食貨好異者志鬼恠耽內者志北里喜娛玩者志珍瓌飛走先生畏壞此志字力爲志親聖賢包舉以爲生人第一志也當知其心函今古明會日星鑑徹人羣手搏萬類而著有此跨壓毫翰之編帙也勛垂四氏思勤百儒我輩衡評匪樂阿好况先生之于二林瑩兆防馬松楸石寫爲人文刊在壁罔不畢載未有報也不然而吾帚洵禿其能跳越山海二千里外點涑人塚墓間乎且吾家契後呂出四岳均之爲炎帝昆苗而

聖祖嘗題延陵季子之墓矣敢式前聞敬表之曰
於乎此有明鹽邑呂季可先生之墓

山東等處提刑按察司提督學政布政司右叅
政兼僉事李 爲懇恩優異著書儒宦移祀于
鄉以公同好以崇道脉事據原任山東布政司
理問呂元善男浙江海鹽縣監生呂兆祥呈前
事竊祥父呂元善原任山東布政司都事尋陞
本司理問一經未售畫諾終淹拮据七年冰蘖
自勵幸造聖賢之域得接統緒之真著有聖門
志六卷三遷志五卷山東通志四十卷其闕里
泰山記咏情見乎詞而當湖建業序言譽核其
實蒙

聖門元
陞任項太宗師稽公評于四氏允昇祀爲三公
追念先人謙冲自律茲典似屬逾涯仰體

上臺月旦無私食報庶乎少慰惟是闕里報德祠
祥父雖蒙

項太宗師准行崇祀而寥寥香火不無絕續之
虞穆穆依棲似須洒掃之托祥因拜瞻祠宇用
切徬徨願輸筆石餘貲置附祠地拾畝祠內空
地頗廣創迴廊屋拾間資守者居食之需垂後
學因仍之慮但崇祀係四氏尸祝之義而增創
實一人感慕之真非奉

上臺明文則奉行無據爲此跋涉雲山伏叩

太宗師文章宗匠卽賜允請將祥原呈准行曲
阜縣印官收祥銀壹百兩造房置地立石刻碑
以垂永久不敢動支本縣分毫錢糧不惟祥父
元善感恩無涯卽

學憲陳公巍石

侍御李公緝敬亦均被德不朽更乞移闕

江太宗師以鄒魯名宦推爲浙海鄉賢則國人
日賢鄉人皆好原同一致且

台臺無方之格兩地蒙恩存沒被德頂祝與天

地爲量矣可勝激切額懇仰斬照納之至等情
具呈除批行曲阜縣查收造房置地以垂永久
外合行移文爲此合關

貴道煩將關來原任理問呂元善鄒魯既入名
宦請爲准以鄉賢批入海鹽縣崇祀庶兩地受
享俎豆有光矣仍希文回照施行須至關者

右 關

浙江 提學道

崇禎二年二月 廿二 日

懇恩優異著善儒官等事
關 押

世襲翰林院五經博士顏 爲優崇著書鄉賢
事爲照原任山東布政司理問呂元善遵崇聖
教著述兼隆功既備于纂修報豈斬于獎詔有
功

聖門已經

山東提督學政項准行崇祀闕里然原貫浙江

而門堂不爲表揚何以勸善茲具扁儀參兩作
功高翼聖四字于呂氏之堂用酬著述之績爲

此合關

貴治煩將關文事理准照榮送施行須至關者

右

海

關

縣

鹽

崇禎二年四月

二十六

日

為優崇著書鄉賢事

關押

世襲翰林院五經博士曾為優異著書鄉賢

以崇祀典事照得原任山東布政司理問呂元

善學宗一貫得吾道之正傳著撰七年覺後世

之聳贖功德既懋食報宜隆已經

山東提督學政布政使司

左議政

兼按察司僉

事

項李

准行崇祀闕里鹽邑兩祠然門第不為表

揚難起式廬之敬茲具扁儀參兩大書

聖門素臣四字用張鼓樂迎送于本宦之堂以示

崇德報功之意為此合關

貴縣煩將關文事理准照施行須至關者

右

浙

江

海

鹽

縣

關

崇禎二年四月

二十

日

為優異著書鄉賢等事

關押

世襲翰林院五經博士孔

為旌表著書鄉賢

以重祀典事照得原任山東布政司理問呂元

善潛心聖學統得復宗述亞之真崇德報功擬

同薛陳胡王之祀道高秩卑何異委吏乘田割

產鬻業甘同簞瓢陋巷已經

山東提督學政

項李

先後准行崇祀闕里名宦海

鹽鄉賢然本宦之祀典既因著述之富而獨隆

聞身後之門墻亦緣剗剔之費而稍乏若不亟

為表揚不惟無以示勸將使貪鄙之夫反笑公

為愚拙矣本院系出

至聖叨封世爵雖云亞于大宗祀承
述聖秉彜好德豈敢後于三氏茲具扁儀參兩製
造扁額一面大書

昭代真儒四字仍差該吏鼓樂導送懸于呂氏之
堂爲此合關

右 貴治煩將關文事理准照榮送施行須至關者

浙江海鹽縣

崇禎二年四月

三十日

關

押

旌表著書鄉賢等事

世襲翰林院五經博士孟 爲追崇著書鄉賢
以隆道脉事爲照原任山東布政司理問呂元
善畢志篇章殫精搜拾居官守嚴一介廉同夷
惠著書倒囊破家統接洙泗創志聖門旣與陳
李同祀闕里復纂三遷應與樂子並配祖廟衛
道功高報宜從厚已經

山東提督學政布政司叅議兼按察司僉事項
稽公評于四氏准稱著書先儒崇祀闕里又經
山東提督學政布政司叅政兼按察司僉事李
行會入祀浙江海鹽縣鄉賢祠外本院情通世

好合行送扁茲具扁儀參兩製造扁額一面大書道統真傳四字前列本院爵銜後書

皇明著書先儒崇祀闕里今祀鄉賢冠洋先生立仍差該吏鼓樂導送于呂氏之堂以報其著書之功爲此合關

貴縣煩將關文事理准照榮送施行須至關者

右 關

浙 江 海 鹽 縣

崇禎二年四月 二十 日

爲追崇著書鄉賢等事

關 押

山東兗州府曲阜縣署縣事曹州學正舉人劉爲優異著書鄉賢以崇祀典事案照原任山東布政司理問呂元善學富天人心潛性命聖統昭于揭日端資鼓吹之功羣生爛若發朦訖任表章之力位卑德厚實大聲宏已經

欽差山東提督學政布政使司左叅議兼按察司僉事項 復經

欽差山東提督學政布政使司右叅政兼按察司僉事李 前後准行崇祀曲阜海鹽兩邑本學竊以梓鄉後學兼之闕里代庖其於仰止之勤

聖明志
豈在諸賢之後爲此特具扁儀一兩合關
貴縣煩照來文內事理乞諭該房置扁一面上
書翼聖真儒四字鼓樂恭送懸于呂氏之堂萬
勿稽延理合具關須至關者

右

關

浙江嘉興府海鹽縣

崇禎二年四月

二十九

日

優異著書鄉賢等事

關押

孔顏曾孟四氏子孫教授司爲追表著書鄉賢
以隆祀典事案照原任山東布政司理問呂元
善家學紹博議之富史才擅千古之奇捐金襄
賑六郡荷其生全破家著撰道脉賴以昭揭維
持名教羽翼聖真先經

欽差山東提督學政布政使司左叅議兼按察司
僉事項 准崇祀於闕里又蒙

欽差山東提督學政布政使司右叅政兼按察司
僉事李 復移祀於本鄉本學忝列聖裔承乏
宮墻其景慕仰止之忱懷之有素而崇德報功

之典豈後於人爲此特具扁儀一兩關送
貴學煩令該吏查照文內事理置扁一面上書
筆瀆靈源四字用張鼓樂迎送於呂氏之堂萬
勿稽延合將前繇閱送施行須至閱者

右

關

浙江海鹽縣儒學

崇禎二年四月

二十九日

追表著書鄉賢等事

關押

山東兗州府曲阜縣儒學教諭梁 爲旌崇著
書鄉賢以隆祀典事案照原任山東布政司理
問呂元善學富五車正魚魯亥豕之訛書纘萬
卷翊孔顏曾孟之統輕財襄賑千金弗恡鯁直
端方一介不苟著書垂訓纂修堪貽千秋報功
酌德祀享應延百禩此之謂洵立德立言並足
不朽者也已經

欽差山東提督學政布政使司左叅議兼按察司
僉事項 復經

欽差山東提督學政布政使司右叅政兼按察司

僉事李 前後准行崇祀曲阜海鹽兩邑本學
誼屬通家欽仰高風秉彝好德人有同情特具
扁銀一兩合関

貴庠煩照來文內事理乞諭貴治該庠置匾一
面上書翊道赤幟四字以彰優異仍用鼓樂導
引恭送懸呂氏之堂萬勿遲延理合具關須至
關者

右

關

浙江嘉興府海鹽縣儒學

崇禎二年四月

三十

日

進崇著書鄉賢等事

太子太傅襲封衍聖公府爲追表鄉賢以旌德行
事照得原任山東布政司理問呂元善學問彌
天端方震世著書立言醒悟黎元之夢劫崇儒
衛道辨明賢聖之宗支剗剗賴以輝煌戶牖猶
存龜鑑功懋生前榮彰身後先經

山東提督學政布政司左叅議兼按察司僉事
項 准稱著書先儒崇祀闕里然原貫浙江海
鹽縣隨經

山東提督學政布政司右叅政兼按察司僉事

李 關會

貴道外再照原任理問呂元善著述多書有功
聖域在本府宜特爲旌勸爲此合用手本前去
貴道請煩查照來文事理希將本府送去銀一
百兩轉發海鹽縣查收委差該吏造一專祠獎
綬呂元善賢靈垂之永久仍祈查照事例擇其
文理通曉向上子侄一人給與衣巾奉守祠祀
以酬厥功庶衛道之忱聞風振作而學術之士
不致旁流駁雜矣希文回照施行須至手本者

右

用

手

本

崇禎二年四月

追表顯賢以旌德行事

三十

日

山東兗州府四氏學請祀名宦公舉呈

四氏學通學生員孔承鏞顏伯華曾承胤孟承
梧等呈爲懇祀著書名宦庶慰群情報功事伏
聞出片言而能衛正道便無愧涑泗之流竭一

手以纂撰聖書自應承礮壘之祀功旣愜于德
無不報人更推其品有足欽竊照原任山東布

政使司理問所理問呂

元善

河東華胄海上名

家學自紹乎根宗仕甘屈乎叅幕旣幸官聯東
省肯虛地近仙源始則繇于續修通志發端中
則勤于圖譜聖賢加意更謂師表百王之聖宜

合二千餘年爲一時身通六藝之賢當萃七十
二家爲一室于是旁羅姓牒肆集秘編繙檢于
薇省自公含毫于草牕多暇雖使虔虎拜星輶
內以烟墨俱馳或厯佐鹿吻月窟中亦露研不
費聖先開其靈表賢乃繼彼榮枝高弟後儒隱
聯道脉襲封世職彰灼

恩光南北辯宗則以長支嫡派爲快論文岳擬祀
則以不忘二主爲至言至于祠廟林墓之詳科
名聞達之脩都爲六卷撰至七年乍開卷而便
覺天下同門循其脉而更自古今共貫此掖縣

趙太宰謂爲志乘之編第一江寧顧太史舉與
文莊之說並稱者也乃手輯過于殷敬襄賑極
于佐佑遂令呼吸痛隔鄉山此不獨一方六郡
盡瘁之勞臣實爲四氏羣賢衛道之功首也且
禦灾捍患猶荷馨香遡脉傳心合承明祀卽
宗師大序明垂報稱之文而藩理殊勲委符名宦
之舉伏乞

宗師准行曲阜禮置神牌于報德祠仍
鼎借弘辭轉會

兩院題請入山東名宦獲遂盛典則此報功一念

匪云無負私恩欲使著撰諸家罔不歸心聖域也爲此具呈須至呈者

天啓六年十一月十八日具呈

宗師項 批照得呂理問元善盡瘁一官畱心百世續修通乘剏志聖門旣使川嶽才賢種種增色頓令道原學脉一一歸元真羽翼教風不朽盛事也准稱著書先儒奉祀報德祠繳

太子太傅襲封衍聖公府爲追表鄉賢以旌德行事照得原任山東布政司理問呂元善學問彌天端方振世著書立言醒悟黎元之夢劫崇儒衛道辨明賢聖之宗支剖劂賴以輝煌戶牖猶存龜鑑功懋生前榮彰身後已經

山東督學道行會入祀海鹽縣鄉賢祠外合行給扁以垂旌異爲此劄仰該縣照劄事理卽將本府發去官銀三兩製造匾額一面太書貼金勛叅儒統四字前列本府爵銜後書

皇明著書先儒崇祀闕里今祀鄉賢山東布政司

理問呂元善立仍差該吏鼓樂導送本官遇宅
以示酬獎至意完日仍具遵行緣繇繳報俱毋
違錯未便須至劄付者

右劄付海鹽縣准此

崇禎二年四月

二十四日

劄付

押

嘉興府海鹽縣爲懇恩優異著書儒官俯照公
移奉祀願轉專祠銀兩重建本學鄉賢祠宇事
據本縣監生呂兆祥呈稱故父山東布政司理
問呂元善數竒吏隱孳汲纂修著有聖門三遷
山東通乘等志及定南北聖宗諸書後因襄賑
死事賢勞切念祥父力學一生靡顧家業之破
服官盡瘁遑惜身後之名惟是事定蓋棺論照
拱墓幸于天啓六年蒙

山東宗師項准四氏學公舉從祀闕里王稱
著書先儒隨入兗州府曲阜縣名宦訖蒙

山東宗師李 移關

本省宗師江 入祀本縣鄉賢又蒙

聖公憫祥父著述多書有功聖域特捐公銀壹百兩移會

道縣准從祀外另立專祠以生員奉祀事雖循例恩實逾涯但本學鄉賢祠宇因上年海溢圯盡而塘工浩繁經費莫措正煩神念況前祀諸賢或道德光照兼監祈常之業或勲名烜奕更得理學之宗時位雖殊窮達一致此祥父所景行有素亦祥私淑無自者也奚忍坐視傾頽願

將前銀重建祠宇供奉諸賢俾祥父呂元善列于廡側祥子呂逢時得如公移以青衿守其先祀則既不動本縣公費並不涉諸賢後人而賢祠得以鼎新專祠不必另立矣伏乞普鴻鈞之德鑒烏屋之私准照公移賜俞祈請俾祥得併日典工丁前落成庶先人既無忝夫俎豆枯骨生馨而後學實有造于天淵高恩勿替祥瞻戴生成當世世無窮矣等情到縣據此隨該本縣知縣田升年勘得故宦呂元善學有淵源志存著述摺聖賢之實錄私淑獨深辨禮樂于代更

表章恐後灑經筵之白雪原無取于月露風雲
標琬管于青箱行嗣功于關閩河洛況告終蓮
幕績著

朝廷兼飯葶通途澤流魯壤業蒙

聖公及

山東學道李

雅意崇儒俾之立祠崇祀外仍

世與奉祀衣巾生員一名以光先德礪世磨鈍
具有深意所當俯賜俞允以彰隱行者也卑縣
未敢擅便擬合具由申詳爲此縣司今備前繇
另具書冊合行具申伏乞

照詳施行須至申者

右 申

浙江提學道

崇禎二年七月 十七 日知縣田升年

縣丞柯時宜

主簿王 紳

典史宋賢彌

崇禎三年四月 十六 日

蒙

欽差提督學政浙江等處承宣布政使司右叅政

兼按察司僉事江批呂逢時准給衣巾奉祀
繳

明故著書先儒今祀闕里儒林郎山東布政使司
理問所理問冠洋呂公行狀

同邑賀萬祚撰

山東
提學

余視學東省得見吾鹽故友呂冠洋公理問山東
時續修通志匪獨官司科目褒益詳贍至于洙泗
一脉搜彙尤勤知其當年垂意聖學淵源不淺也
比謝事歸復見其聖門一志爲躍然序之而令子
太學兆祥涕泣晉余曰先生不惜爲先人序序之
於狀思過半矣敢請爲狀死且不朽余不忍辭爲
染翰狀之海上有著姓呂氏自永樂初主簿公文

道始家在河南安陽以與遜國忠臣河南衛指揮
謝貴有交戍海上遂土著鹽以問右推而樂施有
義問其子謹配侯蚤卒墓在城西竹字圩宣德四
年侯姪安陽進士軌來僉浙憲至鹽謁姑已卒因
營此墓用寄悲思有墓記謹傳義官朴菴公清孝
秀蓮洲公暄杭州右衛指揮僉事望洋公相周繫
祖父孫累德基厚筆飛劒鳴三葉蔭暎而望洋公
能從英幼振激中衰樹勳幢戟爲有識歸譽元配
鍾夫人爲山東濟南府知府西臯公梁女生元聲
太學念洋公繼配胡夫人亦嘉禾令族則孿生公

兄弟若聯璧也公諱元善字季可號冠洋與其兄
元美懷洋公髻卅雙雙眉目韶秀兩人如一無能
別其誰叔季也七歲喪指揮公改繞膝之歡爲憑
屍之慟親知見者莫不掩涕每讀幼而無父一語
則必相對悽然者久之旣通尚書遊太學時年十
有一齡耳大司成時于班行屬目每問書義應對
有條理大爲竒賞同舍名流咸呼小友乃胡太夫
人遠念羈旅齧指通心尋用歸省而有倪孺人協
和之賦時懷洋後此亦婚于王方子舍殷劬溫清
樹背色養之間溢於里閭何悟太夫人俄因血疾

不得耐老閨門之內矣公兄弟哀毀骨立喪塋慎
懇禮意人謂踰於前喪讀禮之暇與猶子兆禧橫
經染翰有如步兵之有阿咸而忽焉凋隕伯兄丘
嫂竟以痛子隨歿謂孝秀一遺腹兒尚堪爲大宗
一綫復九月而殤是公哭母之涕淚未乾而哭猶
子哭兄嫂至于哭其遺腹孤眼汁已盡不踰年而
更有倪孺人之哭得無繼之以血乎於是兄弟相
顧悲歎謂伯兄父于譽振場闡卒以鏤心鐫髓散
作空花馬卿釋之似不從試穎列於漢官安見例
終不得凌趾郎籍乎因是而懷洋與公俱得藩幕

當選序且及公趣兄行懷洋則謂亾姪之遺有未
亾與吾之未子而冀有子家則任長我須爲門戶
計弟之能仕我有榮焉儻弟戀丘園則風塵猶我
末路也公因勉承而北選授山東布政司都事都
事貳經歷以典司政之出入凡一出入必關諸臺
使與諸臺使下檄不得竟下司必下經都而後轉
上焉誠諸臺與司聯貫血脉地也而公以玉立圓
應雖署寮四人上獨屬意于公故若子卯文場大
典也公以印卷供給試錄與焉武闈亦要試也公
亦以鈐卷監試與焉長至元正千秋

大慶也公以拜表

闕廷與焉續通志彙聖門太結撰也公獨以隻手擅焉他如輸馬價于罔卿轉漕折于戶部致裨衣于

內庫而斂餉遼師遠到山海矣此皆他寮吏得之藉以津潤筐橐而公則輦蹙處之恐若涅浼當事有以瞻見風槩每欲強之署縣以爲此君殊勝耽耽三寸銅乘之爲一方厲者檄至公每苦拒人或怪問公曰人垂涎篆冀得錢耳然錢非一片竹篋不得錢而從此子孫必還受竹篋轉以奉人者

皆是也我故不願也當乙卯丙辰間東省大饑人相食時署司而能爲孳瘠計惟治儲劉參知一人而已劉時召他參佐語不入更召公惟公語能先得劉之所以爲東民計者則凡勸賑粥療赴巢稔鄉竟得還肉六郡溝中棄骼者公居功十之半也由此諸臺藩臬莫不格外視公以故

奏薦之有大中丞錢公有按部使之馮公馬公畢公其部寺臺院監司注上考至二十有四而品獎亦十有六云譽問赫奕自來參幕未有能若公比者已未嘉平量移本藩司理發春病作遂用不起


於是大寮哭于公同官哭于署四民哭于閭巷無
非惜公賢潔而不盡其用哭也公竭孝明友凝厚
端潔事胡太夫人不翅家有嚴君而執經問藝侍
伯兄念洋猶之北面師若懷洋怡怡自連根蒂而
閨幃恬穆儼如賓友泊乎居官方雅斤斤以洗濯
自愛一時聯署亦人人勉自箴飭焉公生隆慶三
年十二月初七日卒千萬曆四十七年正月二十
四日春秋五十有一娶倪氏爲山西靈石縣縣丞
倪元夫女繼娶許氏爲乙酉科山東中式舉人許
成名女子兆祥太學生倪出娶胡氏爲胡太夫人
姪日新女孫弘基逢時逢聖逢時爲念洋公子茂
才兆禧後逢聖爲懷洋公子兆禎後卜以天啓六
年十二月念九日將塋公于涇塘橋之祖塋惟
大人君子賜以如椽之管垂不朽焉

叅藩呂公贊

德不在年道不在位存有著書沒有崇祀爰辭廡
篆乃粒饑民清風可表遺愛斯真

海鹽縣志

邑侯樊維城撰



五

五

聖明志

呂季可傳

海鹽縣志

邑侯樊維城撰

呂元善字季可以太學高第歷山東藩司理官著政聲嘗修東省通志更創聖門一志自四氏七十二子漢唐宋諸儒宗系祠祀林墓無不改據明確最於聖學源脉有裨東省人重之後以襄賑勞劇卒官元善與兄元美學生少有聯璧之譽元美亦官省幕而元善之歿元美嘗大慟曰有同生而不同死者耶不三月亦歿



聖廟志

聖廟志卷之...

二千...

泗水善字李... 山東...

カ...

長子大目

中尾高國
長子大目
長子大目



